

Stichting Rancho satisfecho cu apoyo di embahada di Reino Hulandes durante bishita na Colombia



ORANJESTAD- Presidente di Stichting Rancho a presenta un balans positivo di su bishita reciente na Colombia pa fortalece e lasonan cultural y comercial cu nos isla. E bialha aki el a inclui den su agenda un bishita na Embahada di Reino Hulandes na Bogota.

El a presenta dilanti sr. Joris W. Jurriens un panorama di e trabou cu e fundacion aki ta bon haciendo pa fortalece e intercambio entre Aruba y Guajira. "Mi por bisa cu e apoyo cu nos a haya di embahada Hulandes tabata sublime", sr. Rosa a bisa. E interes di representante diplomatico di Hulanda na Colombia tabata "enorme", ya cu como embahada nan ta

haya full un tereno amplio pa traha riba dje. Mirando cu Stichting Rancho tin hopi tempo trahando pa fortalece e relacion bilateral aki; embahada di Reino Hulandes na Bogota (Colombia) ta mira e potencial di nan esfuersonan cu pronto lo duna fruta.

Tambe e funcionario encarga cu e seccion di comercio di embahada, Natalia Piñeros, a participa den e reunion aki. Igualmente Sr. Rancho a realisa un biahe na Riohacha cu a coincide cu e 100 dia di gobernacion di Gobernador Weilder Guerra y 52 aña di fundacion di Guajira como departamento. Sr. Rancho a expresa e solidaridad y apoyo cu semper e fundacion aki ta recibo di sr. Guerra kende ta un bon amigo di Aruba.